



Pou Piblikasyon Imedya: 27/12/2023

GOUVÈNÈ KATHY HOCHUL

GOUVÈNÈ HOCHUL ANONSE LAKE GEORGE KÒM GAYAN 10 MILYON DOLA NAN REJYON KAPITAL LA NAN KAD SETYÈM FAZ INISYATIV REVITALIZASYON ANBA LAVIL LA

Envestisman pou revitalizasyon anba lavil yo se yon pati empòtan nan estrateji global kwasans ekonomik ak kominotè Eta a

Eta a pral travay avèk rezidan yo, lidè kominotè yo ak responsab piblik yo pou revitalize anba lavil Lake George la

Gouvènè Kathy Hochul te anonse jodi a ke Lake George pral resevwa 10 milyon dola nan finansman kòm gayan Rejyon Kapital la nan kad setyèm faz Inisyativ Revitalizasyon Anba Lavil (Downtown Revitalization Initiative, DRI) la. Nan faz 7 la, chak nan 10 rejon devlopman ekonomik eta a yo ap resevwa 10 milyon dola, pou bay yon angajman total eta a ki se 100 milyon dola nan finansman ak envestisman pou ede kominote yo estimile ekonomi yo nan transfòme anba lavil yo pou yo vin tounen katye ki dinamik. Avèk angajman Gouvènè a ane sa ki se 100 milyon dola chak pou Inisyativ Revitalizasyon Anba Lavil la ak NY Forward, Eta a te envesti kounye a yon total konbine 1 milya dola nan tou de pwogram yo depi kòmansman yo.

"Envestisman sa a nan Lake George pral transfòmatè, kote l ap fè vin meyè yon kominote ki déjà bél," **Gouvènè Hochul te deklare.** "Angajman sa a mete aksan sou devouman nou pou ankouraje kominote dinamik pou rezidan yo ak vizitè yo. Avèk yon pwomès 100 milyon dola adisyonèl ane sa a pou Inisyativ Revitalizasyon Anba Lavil la ak NY Forward, kounye a, Eta a te envesti ak fyète yon montan istorik 1 milya dola nan refòm ak revitalizasyon anba lavil nou yo, pou asire yon avni meyè ak pwospè pou tout Nouyòkè yo."

Sekretè Eta a, Robert J. Rodriguez, te deklare, "Inisyativ Revitalizasyon Anba Lavil la pral bay Lake George etensèl ki nesesè pou pwouve efò revitalizasyon yo pou amelyore eksperyans vizitè yo, kalite lavi pou rezidan li yo ak amelyore ekonomi bò dlo yo a. Mèsi Gouvènè Hochul pou angajman li ki kontinye nan pwogram devlopman ekonomik prensipal Depatman Deta a. Felisitasyon pou Lake George epi mwen espere wè yo devlope plan yo pou siksè."

Inisyativ Revitalizasyon Anba Lavil (Downtown Revitalization Initiative, DRI) la sèvi kòm yon eleman nan politik devlopman ekonomik Eta a nan transfòme katye anba lavil yo pou tounen sant aktivite dinamik ki ofri yon kalite lavi elve ak atire biznis, travay ak divèsite ekonomik ak lojman. Menm jan ak faz DRI pase yo, chak kominote yo chwazi ap devlope yon plan estratejik atravè yon pwosesis planifikasyon asandan ak kominotè ki kominike yon vizyon pou revitalizasyon anba lavil li a epi idantifye yon lis pwojè kle ki gen potansyèl pou transfòme epi ekspligate plis envestisman prive ak publik. Depatman Eta a ap akòde fon DRI yo pou pwojè yo chwazi ki genyen pi bon potansyèl pou relanse revitalizasyon an epi reyalize vizyon kominote a.

Lake George (Vil/Vilaj)

Aplikasyon DRI Vil ak Vilaj Lake George—ki rele, ***Lake George Forward: Transfòme Anba Lavil pou Demen***—konsantre sou amelyore kalite lavi ak santiman apatenans koridò Canada Street la ak bò dlo adjasan an pou kreye yon anba lavil ki pi dinamik ak pwospè. DRI a pral ede devlope akomodasyon pou yon popilasyon k ap grandi epi amelyore "eksperyans vizitè yo."

Estrateji ak pwojè DRI yo bati sou plis pase 117 milyon dola nan envestisman publik ak prive anvan yo pou katalize plis opòtinite kiltirèl, lwazi ak devlopman kominotè ak akselere reyamenajman pwopriyete ki pa ase itilize yo, pandan y ap sipòte tou yon mendèv enklizif ak divèsifye pou ranfòse ekonomi an pandan tout ane a pou jenerasyon alavni yo. Lake George pral chèche enkli pwojè DRI transfòmatè nan plan yo ki amelyore sit touris ak ekipman yo; kreye opòtinite lojman, espas publik, ak amelyorasyon nan peyizaj lari; epi elaji kapasite koneksyon entènèt rapid.

Konsèy Devlopman Ekonomik Rejyonal (Regional Economic Development Council, REDC) Rejyon Kapital la te fè yon pwosesis revizyon apwofondi epi konpetitif pou pwopozisyon ki soti nan kominote yo atravè tout rejyon an, epi konsidere tout kritè ki anba yo anvan yo rekòmande Lake George kòm rejyon ki nonmen:

- Anba lavil la konpak, avèk limit ki byen defini;
- Anba lavil la ka kapitalize sou envestisman prive ak publik yo te fè avan yo oswa katalize yo;
- Kwasans travay resan oswa iminan nan anba lavil la oswa toupre li ki atire travayè yo, soutni reyamenajman epi fè kwasans lan dirab;
- Anba lavil la se yon kominote ki abitab epi ki atiran pou divès popilasyon;
- Minisipalite a dwe deja adopte oswa gen kapasite pou kreye epi reyalize politik k ap ogmante abitabilite ak amelyore kalite lavi;
- Minisipalite a dwe mennen yon pwosesis angajman kominotè ki djanm epi ouvè ki ap abouti nan yon vizyon pou revitalizasyon anba lavil ak yon lis preliminè pwojè ak inisyativ;
- Minisipalite a gen kapasite lokal pou jere pwosesis DRI a; epi
- Minisipalite a te idantifye pwojè transfòmatè ki pral pare pou yo egzekite yo akoutèm avèk yon enjeksyon fon DRI yo.

Lake George te resevwa 10 milyon dola nan finansman ak envestisman eta a pou revitalize katye anba lavil li epi jenere novo opòtinite pou kwasans alontèm apre pwosesis planifikasyon lokal la. Lake George rejwenn Glens Falls, Hudson, Albany, Schenectady, Troy ak Cohoes, ki se te gayan Rejyon Kapital la nan sis premye faz DRI yo.

Lake George pral kòmanse pwosesis devlopman yon Plan Envestisman Estratejik pou revitalize anba lavil li avèk jiska 300,000 dola nan fon pou planifikasyon yo ki soti nan sibvansyon DRI 10 milyon dola a. Yon Komite Planifikasyon Lokal (Local Planning Committee) ki gen ladan reprezantan minisipal yo, lidè kominotè yo ak lòt pati konsène yo pral dirije efò sa, epi y ap resevwa sipò nan men yon ekip espesyalis nan sektè prive a ak planifikatè eta a yo. Plan Envestisman Estratejik la ap egzamine atou ak opòtinite lokal yo pou idantifye pwojè devlopman ekonomik, transpò, lojman, ak pwojè kominotè ki alien ak vizyon kominote a genyen pou revitalizasyon anba lavil la, epi ki pare pou yo mete yo sou pye. Plan an pral gide envestisman fon sibvansyon DRI yo nan pwojè revitalizasyon yo ki pral fè avanse vizyon kominote a pou anba lavil li a, epi ki ka favorize ak ajoute sou envestisman 10 milyon dola eta a. Plan yo pou setyèm faz DRI a pral fini an 2024.

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Yo rekonèt Lake George pou bote natirèl san parèy li yo, istwa rich ak repitasyon li kòm yon destinasyon ki bon pou fanmi. Inisyativ Revitalizasyon Anba Lavil la pral pèmèt Lake George pwofite anpil atribi inik li yo ak debloke novo opòtinite ekonomik ki pral vreman pouse kominote a vè lavni."

Komisè Biwo Renouvèlman Kay ak Kominote a, RuthAnne Visnauskas, te deklare, "Lokal Lake George, wòl esansyèl li nan istwa nou an, ak resous natirèl li yo fè li se yon kominote k ap grandi ki atire plizyè milye vizitè chak ane. Prim Inisyativ Revitalizasyon Anba Lavil sa a ki byen merite a pral ede rezidan Lake George yo batì yon ekonomi ki pi solid pandan tout ane a epi pwofite plis richès natirèl yo jwi yo. Ansanm ak Gouvènè Hochul, nou pa ka tann pou nou wè sa ki pral rive nan pwochen chapit la."

Ko-Prezidan CREDC, Ruth Mahoney, Vis Prezidan Egzekitif, Prezidan Jesyon Richès ak Prezidan Rejyonal nan NBT Bank, ak Doktè Havidán Rodríguez, Prezidan University at Albany, te deklare, "Lake George te kreye yon estrateji pou anba lavil li a ki pral kreye yon chemen akeyan pou atire vizitè premye fwa ak eksperimante yo nan kominote pitorèsk sa a ankò e ankò. Plan sa a pral enspire l de peyzaj rich Lake George nan kilti, amizman ak bote natirèl, reyimajine atè prensipal li kòm yon motè ekonomik pou pwosperite ak kwasans."

Senatè Eta a, Dan Stec, te deklare, "Lake George se deja yon sant enpòtan nan aktivite lwazi ak devlopman ekonomik pou rejyon nou an. 10 milyon dola nan finansman DRI sa a pral pèmèt vil ak vilaj la fè amelyorasyon nan kalite lavi ki nesesè sou koridò

Canada Street la ak b dlo ki tou pre, pou ede fè kominote nou an vin yon pi bon kote pou travay, viv ak vizite."

Manm Asanble Matthew Simpson, te deklare, "Rejyon Lake George, yon destinasyon ki gen renome nan mond lan depi lontan ak pòtay nan yon mond avanti ak mèvèy natirèl nan Pak Adirondack la, pral kounye a kapab franchi pwochen etap la nan reyalize vizyon li pou lavni. Avèk yon vizyon odasye pou rafrechi idantite zòn anba lavil Lake George pou amelyore anprent biznis li, devlope ekipman kominotè yo, pote enfrastrikti modèn, ak kombine efò ki egziste deja pou pwoteje dlo primitif nan Lake la, avni rejyon an pa janm te parèt tèlman klere ak dinamik konsa. Prim sa a se yon temwayaj travay dilijan ki fèt sou non ofisyèl vil ak vilaj lokal yo ak rezidan yo pou fè sa tounen yon reyalite. Mwen ta renmen remèsyé Gouvènè Kathy Hochul paske li kwè nan kominote sa a ak nan vizyon I genyen pou lavni."

Sipèvizè Vil Lake George la, Dennis Dickinson, te deklare, "Vil Lake George renmen anpil prim New York Forward la. Nou remèsyé Gouvènè a ak anplwaye li yo epi nou espere egzekite plan nou yo ki pral pote gwo amelyorasyon nan vil la. Sa pral ede nou avèk pakin minisipal yo, lojman ansanm ak kèk nan efò nou pou prezève anviwònman an."

Enfòmasyon Konsènan Inisyativ pou Renovasyon nan Sant Vil la

Inisyativ Revitalizasyon Anba Lavil la te lanse an 2016 pou akselere epi elaji revitalizasyon anba lavil yo ak katye yo nan tout dis rejyon eta a pou sèvi kòm sant aktivite epi katalizè pou envestisman. DRI, ke Depatman Eta a avèk asistans Empire State Development, Biwo Renouvelman Kay ak Kominote ak NYSERDA dirije, reprezante yon estrateji san parèy ak inovatè "planifye-answit-aji" ki mete ansanm planifikasyon estratejik avèk egzekisyon imedyat ak mennen nan anba lavil konpak, adapte pou mache ki se engredyan kle nan ede Eta New York rebati ekonomi li apre empak pandemi COVID-19 la, epitou nan reyalize objektif odasye Eta a nan zafè klima gras a pwomosyon itilizasyon transpò publik ak rediksyon depandans sou machin prive.

Nan sis premye ane pwogram nan, eta a te angaje 700 milyon dola pou envesti nan 69 anba lavil yo ki pare pou revitalizasyon epi ki gen potansyèl pou tounen leman ki ap atire reyamenajman, biznis, kreyasyon travay, pi gwo divèsite ekonomik ak lojman ak opòtinite. Kominote k ap patisipe yo dezinye pa 10 Konsèy Developman Ekonomik Rejyonal eta a dapre potansyèl anba lavil la pou transfòmasyon. Yo bay chak kominote 10 milyon dola pou yo devlope yon plan envestisman estratejik pou anbalavil epi pou reyalize pwojè katalizè kle ki fè vizyon kominote a pou revitalizayon avanse epi maksimize envestisman siplemantè prive ak publik yo.

Plis enfòmasyon sou DRI a disponib [isit la](#).

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)